

DIE XXVIIJ. APRILIS. S. PAULI A CRUCE.

Martyrii desiderio incensus, exercítui se adjúnxit, qui Venétiis, ad bellum Turcis inferéndum, comparabátur; cónnita vero inter orándum Dei voluntate, arma ultro réddidit, praestantióri milítiae óperam datúrus, quae Ecclesiae praesídio esse, aeternámque hóminum salutem procuráre totis víribus niterétur. Revérsus in pátriam, honestíssimis nuptiis, sibíque deláta pátrui haereditate, recusátis, arctiorem iníre sémitam, ac rudi túnica a suo Epíscopo índui vóluit. Tum ejus jussu, ob eminentem vitae sanctimóniam, et rerum divinárum sciéntiam, nondum eléricus domínicum agrum, máxime cum animárum fructu, divíni verbi praedicatióni excóluit.

R. Honéstum fecit.

Lectio v.

ROMAM profectus, theológicis disciplinis rite imbútus, a Summo Pontí-

fice Benedícto Décimo tertio ex obediéntia sacerdotio auctus est. Facta sibi ab eódem potestate aggregándi sócios, in solitúdinem recéssit Argentárii montis, quo eum beáta Virgo jamprídem invitáverat, veste illi simul osténsa atrí colóris, Passiósni Fílii sui insígnibus decoráta, ibíque fundaménta jecit novae Congregatiósni. Quae brevi, plúrimis ab eo tolerátis labóribus, praecláris aucta viris cum Dei benedictiósne valde succrévit; a Sede Apostólica non semel confirmáta, una cum Régulis, quas orándo ipse a Deo accéperat, et quarto áddito voto pergrátam domínicae Passiósni memóriam promovéndi. Sacras Vírgines quoque instítuit, quae excéssum charitátis divíni sponsi scdulo meditaréntur. Haec inter, animárum inexháusta aviditáte ab Evangélii praedicatiósne nunquam defíciens, hómines pene innúmeros, étiam perditíssi-